

籍案之類天樞也

符式

某司某事云云右符某處主者云云符到奉行年月日符

具官書押

凡所屬用此式如付社令之類

帖式

某司某事云云右帖某處某官云云

如前列事則之

右件帖云云

年月日帖

具位押凡差按神將治病行

曉示

某司某事云云右告下云云者別事則云

右件云云

年月日晚示卷七

具位押

合用印

奏上帝表狀用淨明院印

上箋詞職印

上天行移用太玄省印

九地行移用淨明法主印

祈禳超度用道君印

救治差將書符攝召用總監鬼神印

印式

太玄省印



淨明法主印



總監鬼神印



道君印



太上淨明院補奏職局太玄都省須知

上清天心正法序

四一

粵惟浮丘王郭冲感三聖人者實三清之應化先示跡于華蓋極宇江南東西妙高之境其封號符瑞翠琰傳之頗明茲不繁述作世福祥大不思議俯為太清伏魔經顯說正當下元生民甲午之歲也遇宋崇興大道淳化五年八月十五日有肉身大士夜觀山頂之上有五色寶光衝霄漢翌旦尋光起處即三清虛無瑤壇之上也遂掘三尺許得金函一所開見金板玉篆天心秘式一部名曰正法欽哉正法乃玉帝之心術太清之真文太上之妙法三洞之靈書共成四階之經籙所謂洞玄洞神洞真靈寶出于道德自然之始也大士者饒公處士也名洞天雖獲秘文然未識訣目玉格行用之由復遇神人指令師于譚先生名紫霄授得其道紫霄又令往見泰山天齊仁聖帝得盡其妙王又奏請助以陰兵大士作天心初祖號正法功臣日直元君北極驅邪院使昇天時以法傳弟子朱監觀名仲素仲素次傳游道首道首次傳通直

即鄒賁鄒育傳臣本師符法師名天信至臣  
 有功傳于今矣然華蓋者是三清應化虛無  
 之境獨有虛皇靈壇即無道流居止故時人  
 不知有華蓋之名今舉經錄大畧之由昔老  
 君周昭王二十五年十二月二十八日午時  
 授關尹道德二經及太清九丹八天隱文西  
 昇教誡等法尹付杜真人真人付小尹真人  
 此乃道德自然之始也至漢靈光二年太  
 極徐真人於天台山授太極左仙翁真人靈  
 寶衆經是謂洞玄洞神衆錄之祖也又後漢  
 順帝漢安元年五月一日老君降鶴鳴山授  
 張天師二十四階秘籙印等及於玉局觀授  
 延生斬邪之術是惟正一盟威之宗也伏自  
 周秦漢魏之間三經雖傳于世而科品未彰  
 至晉衷興寧二年甲子正月先農日紫虛元  
 君南嶽夫人始以上清授東華上佐司命楊  
 真人彼時天經實文並作雲青龍篆八會之  
 體非世間可得而究識焉真人別有符文經  
 訣變作隸書自此流傳方盛是為上清之祖  
 也獨吾正法出于大宋盛時木山有橋仙觀

靈跡儼然是也悲夫不得其人漸失宗旨臣  
 受持在末濫領條綱法衰微諦承師訓親  
 受太上四階經錄秘要符文豈敢不精思運  
 神實恐羣員先聖故將所得妙道重刪天心  
 正法一部分為上下二卷仍畧今時法師所  
 用符呪皆是北帝符別作三卷名曰北帝符  
 文在正法之外及修三洞四階實錄秘譜為  
 傳教修道之士其出者錄度脫舍生同歸大  
 道矣鄒有功撰

正一天師清微弟子洪百堅  
 道教學術資訊

上清天心正法卷之一

三光正炁

三光者日月星也日君炁以本日採炁時其  
 方取也存見日輪光芒如赤火色月君炁以  
 日日常加卯五日兩宮移如每月初一日便  
 從卯上起卯午時正在午上初二日亦同初  
 三日午後退過寅如午時便從寅上起卯至  
 已上見午時即是太陰在已存見月宮光芒  
 如煖玉銀色天罡炁天罡星約離斗柄三丈  
 餘詩云月月常加戌時時見破軍要知端的  
 處向背問元因以月辰過將加戌未過將加  
 亥數過取炁時乃是天罡建破軍之所向背  
 者乃陰陽日存想也陽日天罡正面行面如  
 炎火色身衣紅羅衣頂上有青黃紅三色赤  
 口吐火光萬丈左手結天罡殺鬼印即右  
 手執寶珠隨炁收入口中任意發用存見火  
 光細如絲霧燥燥有聲灑灑其身陰日天罡  
 反面行面如煖玉色身衣素羅衣頂出青紅  
 黃三色赤口吐銀光萬丈其細如絲燥燥有  
 聲左手結印又腰右手仗三昧火絢存畢隨